

玄覽堂叢書

第六十冊

no.4
0528917



國立臺灣大學圖書館典藏
由國家圖書館數位化

福建運司志卷之八

課程志

霸佐興齊計金而給

明聖定制課程有什附海依山本折異入鹽竈登
耗政在安集志課程

額派

本司所屬上里等七場鹽課司嘉靖四十三年分
歲實徵額辦本色并折色鹽共一十萬五千三百
四十引二百六十五斤八兩九錢每引四百斤內

528917

民國37.2.27

本色鹽四萬一百四引二百二十九斤一十兩一
錢內 附海諳辦戶鹽六千二百六十引三百九
十一斤六兩四錢八分六釐照數徵收上里海口
牛田三場入厥聽候明文開中派商每鹽一引徵
銀六錢該銀二千七百五十六兩五錢八分七釐
一毫 依山買辦戶鹽三萬三千八百四十三引
二百三十八斤三兩六錢一分四釐照奉 都察
院卯字一千四百四十號勘合內開上里海口牛
田三場依山戶每鹽一引徵銀二錢五分該銀八

千四百六十兩八錢九分八釐九毫俱照數徵解
收運鹽司貯庫聽候明文類解 戶部交納以濟
邊用 折色鹽六萬五千二百三十六引三十五
斤一十四兩八錢內折銀鹽七千三百五十二引
四十八斤一十兩八錢照奉 都察院巡按福建
清軍六百四十四號勘合內開惠安場鹽課全折
價銀每鹽一引折銀七分該銀五百一十四兩六
錢五分照數徵解運鹽司貯庫聽候明文類解
戶部交納以濟邊用折米鹽五萬七千八百八十

前廷通言卷八
三引三百八十七斤四兩照奉 戶部福字一百

四號勘合內開潯美泃州浯州三場鹽課全折糧
米每鹽一引折米一斗該米五千七百八十八石
三斗九升六合八勺運赴原定附近泉州府所屬
永寧福全金門三倉交納支給永寧衛所官軍糧
餉至嘉靖十年六月內照奉 都察院巡按福建
八千九百二十七號勘合內開潯美場鹽米每石
折價五錢至嘉靖十九年七月內又奉 都察院
巡按福建八百八十一號勘合內開泃州浯州二

場鹽米亦照前例每石折價五錢三場共該折徵價銀二千八百九十四兩一錢九分八釐四毫俱解泉州府交收以備永寧衛并福全金門二千戶所軍士間月支用

上里場歲徵本色鹽二萬二百引一百八十斤八錢內 附海鹽四千一百九十一引三百三十一斤九兩一錢八分八釐聽商中支該納引價銀二千五百一十五兩九分七釐三毫 依山鹽一萬六千八引二百四十八斤七兩六錢一分二釐該

徵銀四千二兩一錢五分五釐三毫

海口場歲徵本色鹽一萬三百四十四引六斤九兩柒錢內 附海鹽一千四百一十七引八斤一十一兩四分八釐聽商中支該納引價銀八百五十兩二錢一分三釐 依山鹽八千九百二十六引三百九十七斤一十四兩六錢五分二釐該徵銀二千二百三十一兩七錢四分八釐七毫

牛田場歲徵本色鹽九千五百六十引四十二斤一十五兩六錢內 附海鹽六百五十二引五十

一斤二兩二錢五分聽商中支該納引價銀三百九十一兩二錢七分六釐七毫 依山鹽八千九百七引三百九十一斤一十三兩三錢五分該徵銀二千二百二十六兩九錢九分四釐九毫

惠安場歲徵折色鹽七千三百五十二引四十八斤一十兩八錢該徵銀五百一十四兩六錢五分 漳美場歲徵折色鹽三萬三千六百一十一引二百六十六斤一十二兩折糧米三千三百六十二石一斗六升六合七勺該徵銀一千六百八十兩

五錢八分三釐三毫五絲

涪州場歲徵折色鹽一萬四千九百七十六引三百六十一斤折糧米一千四百九十七石六斗九升三勺該徵銀七百四十八兩八錢四分五釐一毫五絲

涪州場歲徵折色鹽九千二百九十五引一百五十九斤八兩折糧米九百二十九石五斗三升九合八勺該徵銀四百六十四兩七錢六分九釐九毫

以上額課共該銀一萬五千六百二十六兩三錢三分四釐四毫內除潯美涪州泗州三場折米銀二千八百九十四兩一錢九分八釐四毫准泉州府給軍外每年該解部銀一萬二千七百三十二

兩一錢三分六釐

內上里海口牛田三場附海依山戶每輪丁產不同銀鹽互異

獨鹽額

不失

鹽戶一萬三千九百一十戶

人丁男子六萬二千一百七十二口成丁四萬一百一十口受鹽五萬五千九百二十八引二百二

十六斤三兩四錢七分二釐不成丁二萬二千六十二口免科

事產官民田地山池塘蕩海埕海埭埕垵嶼共六千七百七十八頃七十九畝五分九毫五絲受鹽五萬九千四百一十引九十八斤十四兩四錢二分八釐

以上丁產查係弘治五年七場實在之數自後定議各場以是爲則丁產俱無增減惟上里畧異後因倭難丁多消乏嘉靖四十五年議准以田補丁

不失鹽額潯泖浯三場近因該縣議改

今輪鹽戶一萬三千九百戶

人丁男子成丁三萬六千二百七十一口受鹽五萬五千三百一十一引三百二十五斤一十四兩事產官民田地山池塘蕩海埕海埭蠓埕蠓嶼共五千八百四十八頃四十九畝九分一釐三毫受鹽五萬二千八百三十九斤一十兩九錢

上里場

人丁男子成丁八千七百七十三口受鹽八千二

百六十引一百四斤五兩每丁受鹽三百七十二斤一兩

事產官民田地山一千七百八頃一十六畝一分九釐八毫受鹽一萬二千四十引七十五斤一十一兩八錢 官田六十一頃一十五畝九分四釐五毫每畝受鹽二十斤八兩 民田七百六十一頃九十四畝九分一釐一毫每畝受鹽四十一斤地六百四十三頃四十四畝一分七釐二毫每畝受鹽二十斤八兩 山二百四十一頃六十一

畝一分七釐每畝受鹽一十斤四兩

海口場

人丁男子成丁一萬一千六百三口受鹽二千二百四十四引一百八十二斤二兩每丁受鹽七十七斤六兩

事產民田一千六百四十頃四十一畝七分四釐五毫九絲受鹽八千九十九引二百二十四斤七兩七錢每畝受鹽二十九斤十二兩

牛田場

神皇正統記卷八
二百六十二
人丁男子成丁七千四百六十二口受鹽二千九百五十六引九十三斤一十三兩每丁受鹽一百五十八斤七兩五錢

事產民田一千一百五十一頃六十二畝九分六毫三絲受鹽六千六百三引三百四十九斤二兩六錢每畝受鹽二十二斤一十五兩

惠安場

人丁男子成丁一千九百一十三口受鹽五千一百八十九引五斤每丁受鹽二引二百八十五斤

事產民田地山塘池蕩三百一十五頃三十五畝
七釐七毫受鹽二千二百六十三引四十三斤一
十兩八錢每畝受鹽二十七斤七兩

潯美場

山塘池蕩五百三十八畝受鹽二萬二千七

人丁男子成丁九百三十三口受鹽二萬二千七
百三十引三百斤每丁受鹽七引三百斤

事產民田地山塘海蕩蝗埕蠓嶼四百二十八頃
見在三百九十七頃四十七畝六分四釐一毫六
絲受鹽一萬八百八十八引三百六十六斤一十二

兩每畝受鹽一百二斤八兩今加七斤

浯州場

人丁男子成丁二千三百口今二千四百八十五
口受鹽八千九百三十四引一百四十斤一十兩
每丁受鹽三引二百三十八斤二兩
事產民田地山塘海蕩五百三十九頃零今裁減
實四百七十一頃六十一畝三分七釐三毫二絲
受鹽六千四十二引二百二十斤六兩每畝受鹽
五十一斤四兩

泗州場

人丁男子成丁一千七十口今一千一百二口受
鹽五千九十六引三百斤每丁受鹽四引二百五
十斤

事產民田地山塘海蕩蠓嶼一百七十七頃零見
在一百六十三頃八十四畝九分七釐一毫受鹽
四千一百九十八引二百五十九斤八兩每畝受
鹽一百二斤八兩

右七場十年一次重造鹽冊各團埕丁產增減不

一以民冊爲據惟報丁少者量增丁多者量豁若通場實在田少者於開除內扣留受鹽但足原額終無更易其受鹽之多寡悉照前增定之例可以爲中制矣

上三場附海依山鹽賦支納轉輸則例
附海鹽係諳辦戶附居海濱晒辦鹽斤輸納每年
二月以後開晒總催催取甲下團首運赴本場各
團立厰秤子秤收入厰看守三場先年通共附海
鹽六千六百六十四引零今輪六千二百六十引

三百九十一斤六兩四錢八分六釐每引四百斤
聽商中支每引拆爲小引二引每引二百斤每年
該中部引一萬二千五百二十三引一百八十二
斤零

今只一萬二千五百二十一引一百九十一斤零

足一年之用三四

年一次共部引若干本司備查通司商數勻派引
目開造文冊并每引追引紙銀三釐差吏領文赴
布政司倒文解赴南京戶部交納請刷引目回司
每引令商納引價銀三錢派支場鹽一小引二百
斤三路引鹽照依引數勻派三場支給每引仍照

例帶裝餘鹽聽商下場收買竈戶輸官餘鹽子母
並支同賣完畢仍照例秤納餘價貯司類解

依山係買辦戶居住離海隔遠原無坵盤汛地堪
以晒辦只納銀歸官謂之依山每大引折銀二錢
五分遞年該場官攢督率見年總催催取甲下團
首三場通共依山三萬三千四百四十引今三萬
三千八百四十三引零價銀共八千四百六十兩
八錢九分八釐玖毫辦完送納本場俱自七月起
追徵每百兩加追水脚銀二兩給批付本催解赴

本司秤納貯庫類解其水脚呈給解官盤纏等用
下四場鹽賦轉輸則例

折色鹽各場竈民始初亦如上三場晒辦鹽斤後
因海洋遠涉兼且鹽色低黑商人不願支領奏奉
勘合折徵銀米每年各該場官攢督令見年總催
亦如前期徵納其惠安場鹽七千三百五十二引
四十八斤一十兩八錢折銀五百一十四兩六錢
五分每百兩仍加水脚銀二兩解赴本司收庫候
領解部水脚銀呈給解官盤纏之用潯泔浯三場

福建通志卷八
鹽米俱亦折銀共五萬七千八百八十三引三百八十七斤四兩折銀二千八百九十四兩一錢該場徑解泉州府收庫間月支給軍餉

上里場餘鹽

該場竈戶日晒鹽斤除上倉商支外尚有餘鹽萬曆初年開通漳泉地方官鹽題准每年定納稅銀二百一十六兩有閏加銀一十八兩招商納銀領票運赴莆仙二縣散賣每票稅銀一錢五分載鹽三千斤每年共該給票一千四百四十張送赴鹽

法道掛號其銀原充軍餉至萬曆三十二年改充
軍門小賞

三路引目引價

西路每商四百引爲一封納價一百二十兩水脚
銀二兩四錢滴珠銀一兩二錢在本司納解京

東路每商三十五引爲一封納引價銀一十兩五
錢水脚銀二錢一分滴珠銀一錢五釐在本司納
解京

南路每商五十五引爲一封納引價銀一十六兩

五錢水脚銀三錢三分滴珠銀一錢六分五釐在
本司納解京

三路各商餘價銀

西路每幫每商領引四百道該納餘價銀一百六十兩滴珠銀一兩六錢水脚銀三兩二錢加課銀三十兩滴珠銀三錢水脚銀六錢牙稅銀一十四兩四錢七分六釐滴珠銀一錢四分四釐七毫六絲以上餘價加課牙稅滴珠銀兩俱解京水脚銀給解官盤纏又納充餉牙稅銀二兩四錢二分一

釐三毫三絲三忽三微又牙店銀三兩九錢二分
一釐三毫三絲三忽俱充軍門小賞又經紀銀二
兩六錢六分五釐六毫八絲八忽六微五纖係水
口黃崎二分司廩給支用俱係水口分司徵收類
解本司

東路本港水滌西陂三港每商領引三十五道該
納餘價銀二十八兩水脚銀五錢六分牙稅銀三
兩五錢七分滴珠銀三錢一分五釐七毫加課銀
三十三兩三錢三分三釐三毫三絲三忽三微其

桐山秦與文岐樓前羅源五港內加課銀只納二
十二兩二錢二分二釐二毫二絲二忽二微已上
餘價加課牙稅滴珠俱解京水脚銀給解官盤費
又納助餉銀一兩二錢六分增餉銀十兩俱充小
賞又經紀銀一兩八錢九分係水口黃崎二分司
廩給支用俱係黃崎分司徵收類解本司
南路每商領引五十五道該納餘價銀四十四兩
水脚銀八錢八分滴珠銀四錢七分三釐八毫八
絲牙稅銀三兩三錢八分八釐已上餘價牙稅滴

珠銀俱解京水脚給解官盤費又納軍餉銀六兩
助餉銀一十九兩八錢俱充小賞係南港分司徵
收類解本司

四場地租

惠安潯美泃州浯州四場先年設有倉廩貯鹽後
因海路險遠且鹽色低黑商不願交奏奉勘合折
徵銀米其倉遂至倒廢地基召民耕種照畝納租
四場共該銀六十三兩八錢一分零遞年各場追
解本司以充官吏朝覲盤纏續因地基崩塌今止

徵銀四十六兩七錢一分零內 惠安場年額銀
二兩八錢八分七釐 漳美場年額銀二十七兩
四錢三分 汧州場年額銀七兩九錢一釐三絲
一忽 浯州場年額銀八兩四錢九分三釐
續增額課

嘉靖十九年商人陳公養奏稱福建近年以來鹽
課疏通又經開通東南二路官鹽引目銷用甚多
但每年只有附海一萬三千餘引不足支用恐有
缺乏奏乞行司議處欲將依山引內借名開中三

萬三千四百四十引均派通司商人上納其依山
原額課銀仍前追納解部賑邊其所開引目比照
附海則例每引先納引紙價銀三釐追完差人赴
南京戶部關領引日到司每引議照納價銀三錢
但依山鹽戶原無晒曝坵盤開中引目無鹽可支
就於三錢價內扣一錢聽商自行下場買補竈丁
輸官剩餘鹽更銀二錢貯庫聽候類解赴部每年
可增課銀六千六百八十八兩引目與附海互搭
支賣每引一引仍帶餘鹽二引鹽裝到鎮掣賣完

畢又每引追納餘價銀四錢類解萬曆六年商人
陳復興奏請一次萬曆二十四年商人洪子高等
告請一次餘價銀俱係本司解京萬曆二十年商
人林遜等赴內監高 告納餉銀助工題開引目
一封計四萬道每引仍照例納引價銀三錢支附
海倉鹽半引自買半引餘鹽仍聽照數收買三十
一年又請百封引餘價銀俱係本監徵解鹽與附
海三七兼行 按舊制附海正引三年開中一次
如用有不敷乃開請依山以佐之嘉靖以前數十

年僅三請耳今自萬曆二十七年以來未及五年
依山已兩請矣而依山之課又別名以助工夫賣
鹽止此數商行鹽止此數地非有加也往者有依
山姑佐附海有濟邊更無助工然歲額尚未能取
盈也茲依山引行而附海之幫既占助工名立則
濟邊之餉必虧病國困商法寧可久司國計者圖
焉

歲解則例

按先年歲解亦無定數嘉靖三十三四五年以新

徵依山引價故數少溢今以經入之數計之有鹽則有價有徵則有解大槩每年應徵應解各項銀兩不過二萬有餘其贏縮少異則存乎時而已備開于左

一上里海口牛田三場依山鹽價共八千四百六十兩八錢九分八釐九毫

一三場附海鹽內引價該銀三千七百五十六兩五錢八分七釐一毫

一惠安場折米銀五百一十四兩六錢五分

一東路細鹽課銀二百兩

此四項係正額之數遞年俱應照數追完解部

一各餘鹽價約銀五千五百七十餘兩

一加課銀隨船多寡歲入約銀一千二百餘兩

一牙稅銀隨船多寡歲入約銀六百餘兩

一囚徒煎鹽價銀歲入銀不過數十兩

自餘價以下皆爲額外之數遞年收完不拘多寡盡數併解

以上各項年計不過二萬三千兩然或不能取

足今定歲解二萬二千二百有奇亦可以爲中數矣

一舊有掣沒鹽併船袋等價歲入約銀數百兩今係按院支給寫本吏衣資并本司交際禮儀等用

一軍餉助餉銀兩自嘉靖三十九年起至萬曆三十二年十二月二十四日止俱充兵餉支用本月二十五日起議詳軍門批允俱聽小賞支用

一曠役經紀銀兩原無定數目嘉靖三十七年裁減名數量抽以充二分司廩給支用

一缺官柴馬銀原無定則且催取不至如有貯收聽候明文至日該解兵部

軍門小賞

一軍餉年約銀一千三百七兩三錢六分遇有閏年該加銀一十八兩共銀一千三百二十五兩三錢六分 東西南三路軍助餉年約銀六百兩 莆仙稅票年該銀二百一十六兩遇有閏

年該加銀一十八兩共銀二百三十四兩
 水口鹽牙年該銀二百九十兩五錢六分
 店戶年該銀九十兩
 八港牙行年該銀四十兩
 冗後庫子年該銀一十兩八錢續議各項加課
 年約銀六十兩

福建通志卷之八終

福建運司志卷之九

軌物志

關石和鈞舟車同則不軌不物乃肆其冒魯臣致
規夏書垂勒矧茲司權其庸敢忒志軌物

器什

三路船式

西路海船額造五十隻每隻從頭至尾直長五丈
三尺五寸除頭遮浪虛板七尺實長四丈六尺五
寸計鐵縲二百四十五股鈎二箇又除頭空三艙

尾空一艙裝貯楨棋衣糧併梢水眠宿外實裝鹽
一十三艙直長三丈五尺深六尺八寸量頭橫濶
一丈三尺五寸用鐵縲堯圍頭截裝鹽第一艙長
三丈六尺三寸計鐵縲二百一十四股鈎一箇中
截過洋艙第五艙長四丈一尺八寸計鐵縲二百
五十三股鈎一箇尾截裝鹽第十三艙長三丈八
尺九寸計鐵縲二百五十二股鈎一箇

又西路額造平頭溪船一十三隻每隻用鐵鎖三
橫一直圍量船身除頭尾虛艙外實裝鹽十三艙

直長四丈一尺計鎖二百二十九股鈎一箇橫濶
九尺深六尺頭第一艙圍得三丈一尺四寸計鎖
一百六十七股鈎一箇中第六艙圍得三丈四尺
七寸計鎖一百九十一股鈎一箇尾第十三艙圍
得三丈六尺一寸計鎖二百零二股鈎一箇此係
海船運到流崎灣船大不能行故用此溪船將鹽
盤入南臺倉

又西路額造剝船八十隻每隻船身直長三丈七
尺五寸深二尺八寸橫濶前頭上面濶七尺五寸

底濶五尺三寸後頭上面濶八尺二寸底濶五尺八寸共一十九艙內除頭尾空艙安頓槓棋衣糧外中二艙看水俱不裝鹽實裝鹽十艙此係南臺倉出倉裝包每商止用四隻運至水口掣賣

東路牛船額造四十五隻每隻船內用銅尺外用鐵縲三橫一直四下圍量通船直長自頭盖板起至尾槃板止除架浪虛艙至兔耳止應除六尺外自頭盖板監前桅處直抵尾槃板計鎖二百九十六股共長五丈五尺實裝鹽十四艙長四丈前截

上則極高至檝平濶一丈四尺中則極濶處一丈四尺下則極底至龍榜濶一尺五寸中截上則極高至檝平濶一丈五尺五寸中則至櫓枋下極濶處一丈八尺六寸五分下則極底至龍榜濶一尺五寸後截上則極高至檝平濶一丈六尺五寸中則極濶處一丈七尺下則極底至龍榜濶一尺五寸水艙深七尺一寸五分頭截係神壇後第二艙該鎖二百三十股計長四丈三尺中截係第十艙過洋後連加餉共該鎖二百四十八股計長四丈

七尺四寸第十四艙新增馬額前該鎖二百七十
三股計長五丈一尺五寸連鈎一箇後截係第十
柒艙計鎖二百六十股計長四丈五尺七寸

東路原用樣船十一隻萬曆七年鹽法道鄭詳
兩院批允議造牛船二十隻與樣船兼用至萬曆
九年將樣船折改牛船二十三隻又添造共三十
九隻至今又添造共四十五隻而樣船竟不用矣
南路額造剝船八隻每隻船自頭短水起至尾槓
止共十二艙直長四丈七寸計鎖二百零四股鈎

二箇內除頭二艙尾一艙梢水眠宿安頓衣糧積
棋外實裝鹽九艙計長二丈二尺面量橫濶各除
水溝外實濶八尺深四尺五寸頭中後分作三截
頭截裝鹽第一艙圍量二丈七尺二寸計鎖一百
三十六股鈎一箇中截過洋槽圍量長三丈二尺
六寸計鎖一百七十二股鈎一箇後截裝鹽第九
艙圍量長三丈四尺七寸計鎖一百七十二股鈎
一箇

又南路額造樣船一十三隻每隻計一十七艙直

長五丈五尺樑頭橫濶一丈二寸五分深五尺五寸內除頭三艙尾一艙與梢水止宿安頓衣糧槓棋外實一十三艙裝鹽十萬二千斤

上里海口牛田三場歲辦鹽課有多寡不同經由道里亦有遠近之異舊規凡遇商人開中並派三場兼支而又酌量加損爲法甚善今定議西路商人支鹽引多派上里二百七十引海口九十引牛田四十引東路派上里二十三引海口八引牛田四引南路派上里三十七引海口一十二引牛田

六引以免紛更惟稽其數而盈縮焉亦調劑之一端也

各倉沒官鹽派商領賣近議每引水口一兩竹崎南臺閩安各九錢本司刊刷官票每張載鹽二引呈請察院掛號發回給商領照前往水口發賣完日照追前銀解司俱無餘鹽餘價各場沒官鹽與囚徒煎鹽先年亦派商領賣然恐滋夾帶之弊近議囚徒煎鹽每引只納價一錢沒官鹽照場彼中時價每引一錢五六不等

掣量器用

官尺一條

火烙一顆

銅鉏一箇

官秤一把

東路牛船鐵鎖一副

計四條

東路紅牌一十一面

西路海船鐵鎖一副

西路紅牌二十面

西路平頭船鐵鎖一副

南路紅牌十面

南路剥船鐵鎖一副

福建運司志卷之九終

福建運司志卷之十

供億志

權運專秩爰逮百執既廩供具罔有不給君子勞心小人勞力毋謂伐檀國計允殖志供億

公費

本司公堂紙劄心紅油燭筆墨并六房科紙劄每季共銀一十八兩連閏加增按季呈詳按院於沒官鹽價銀內支辦內公堂紙劄等銀五兩四錢三分三釐油燭銀二兩九錢五分五釐六房科紙劄

福建通志 卷一
銀九兩六錢一分二釐

本司正堂公費萬曆九年十一月內該本司運使
王三錫議爲查革常例以甦商因事查得本司日
用交際禮儀下程向係留商供應今每月酌議銀
四十兩于沒官鹽價內按季支辦等因呈詳帶管
鹽法道僉事王 轉詳兩院批允遵行在卷如遇
閏月亦于沒官鹽價內加支銀四十兩季終呈詳
按院開銷

水口分司公費萬曆四年五月內蒙按察司僉事

文 批據本司呈爲議處水口分司公費以絕弊
源事誌載在本司月用士夫往來程儀吏書門皂
供給紙劄等項共銀四十四兩內除十五兩原係
扣計牙稅內支餘銀議於水口黃崎二分司逐幫
解到牙行曠役經紀銀內支二十九兩湊發該運
使周浩覆議月減下程銀六兩六錢止給銀二十
兩吏書門皂等役飯食減銀八兩七錢止給心紅
紙劄銀九錢雇募書手厨子青山書院門子倉夫
各一名座船頭三名每名月給銀六錢看衙皂隸

二名更夫十名各給銀三錢共銀八兩七錢通共
該銀二十八兩七錢內除扣派牙稅銀一十五兩
尚該關發銀一十三兩七錢近分司革去大牙責
令該吏買辦合無每幫准令分司量扣銀一十三
兩七錢免其解司其每幫尚剩銀二十六兩六錢
五分六釐零解司聽支呈蒙本道批分司支辦革
大牙而責之該吏若復待月終給發誠不免轉貸
之累也然該司公用多取足於經紀銀內則扣留
解司猶宜兩盡方爲可久耳據議每幫量扣一十

三兩七錢於分司支用餘照舊解司委於制宜之中不失原議之意悉如議行繳遵照在卷是時一年六幫共計銀一百五十九兩九錢三分六釐邇來一年僅賣四幫只銀一百六兩六錢二分四釐爲一年公費

水口黃崎二分司廩給紙劄書手厨役等銀案奉布政司劄付奉蒙撫按兩院批呈前事內款開運同移駐水口分司日支廩給銀一錢運副日支廩給銀八分紙劄銀三分雇募書手看司雇役厨子

前通志卷之十一
各一名每名日給工食銀二分俱于經紀銀兩支
給如不足聽于沒官鹽價銀內支奏劄行到司見
在遵行

運使年派祗候一十名同知六名副使四名經歷
知事各二名共二十四名每名年給工食銀一十
二兩有閏月運使加十兩同知加六兩副使加四
兩經歷知事各加二兩俱于後開各縣派解隆慶
五年十月議定

福清縣一名

僊遊縣二名

南平縣二名

沙縣一名

建安縣二名

甌寧縣二名

建陽縣二名

政和縣七名

邵武縣四名

泰寧縣一名

運使同知副使經歷知事各馬夫十名每名年派銀四兩俱後開縣分解送

長樂縣二十名

莆田縣一十名

建陽縣一十名

邵武縣一十名

運使門子四名同知副使各二名共八名每名年

福建通志 卷十
給工食銀七兩二錢俱于後開縣分支給

閩縣五名

福清縣二名

長樂縣一名

運使皂隸二十名同知副使各八名經歷知事各二名共四十名每名年派工食銀七兩二錢俱于後開各縣解給

莆田縣五名

晉江縣五名

南安縣三名

同安縣二名

龍溪縣二名

建安縣三名

建陽縣一十一名

浦城縣三名

邵武縣二名

建寧縣二名

清流縣二名

運使同知副使每年案衣錫筆硯架執事涼雨傘等項寒月各該銀八兩四錢暑月各該銀一兩九錢俱本司庫貯牙行經紀銀內支辦

經歷知事每年心紅紙劄油燭銀一十二兩脚力馬夫銀三兩寒暑案衣銀一兩四錢五分執事涼傘雨傘銀二兩五錢俱于本司牙行經紀倉地租

前
卷一
銀內支給

廣盈庫看庫夫八名書手一名每名年派工食銀
十兩八錢于萬曆二十四年奉文裁減一名扣出
工食充餉今只八名工食勻作九名均分每名每
年只給工食銀九兩四錢三分五釐係甌寧邵武
晉江三縣解給又看庫機兵一名係閩縣撥每月
工食銀六錢本縣徑給

看監機兵四名閩候二縣各撥二名每月每名給
工食銀六錢二縣徑給

運同伍典議

水口分司公費二款
黃崎分司公費一款

一議處公用以絕弊源蒙分巡福寧道按察司副使柴案驗照得水口地方乃全閩要路該司

掌印官負遇有上司經過及使客往來一應下程禮儀似不可缺然非若有司議有綱辦其勢不得不科取于各商而各商既已迭有常例其弊必至於臨幫夾帶官受其私法難盡權雖畏議自愛者止不至於過求而營謀權署者遂相率而濫取法紀蕩然亟宜痛革然止革其弊而

罔爲之圖則向所謂禮儀之不可缺者將安資
裁備行運司會同新任伍同知從長酌議前項
公用銀兩每年量計該銀若干或於自問贓罰
或於餘鹽價腳應否坐派作何支收務使公用
有資商稍無擾等因該同知伍典查得本分司
先年設立牙行十名代商貿易凡一應公用下
程禮儀等項俱出牙行答應嘉靖三十三年蒙
戶部郎中錢 議奏欸開一處牙稅之銀將水
口分司牙行比照廣東事例每銀一兩抽牙銀

三分計一船扣銀二十餘兩一年十幫可得二千四百餘兩每兩三分之數以二分增入課程將一分與牙人其分司一應公用會計一歲合用就於前扣二分數內註籍支用不過每月一十五兩之數其餘銀兩同額課解部等因已經遵照後將牙行議革八名該曠後經紀銀六十四兩五錢七分一釐扣解總司無處出辦兼以公費不足歷年各商自議每幫船一隻出銀一十五兩一幫共銀一百五十兩內除六十四兩

五錢七分一釐零爲曠役經紀逐幫關解總司
作正支銷尚銀八十五兩四錢二分商人給與
牙行逐日買辦下程等項使用隨查每月辦送
士夫下程大約用天字號下程三副每副銀一
兩共銀三兩地字號下程五十副每副銀四錢
共銀二十兩又偶遇士夫泊舟水次辦設水菓
酒席每月約六次每次二席每席用銀三錢共
銀三兩六錢以上共約銀二十六兩六錢又查
歷年以來分司每日下程一副用銀四錢五分

每月銀一十三兩五錢又每日買辦水程官票
合用心紅紙劄約銀三分每月該銀九錢供給
吏二名書手三名門子二名每名日飯食銀二
分五釐共銀一錢七分五釐火柴油燭共銀二
分每月共用銀五兩八錢五分阜隸一十二名
馬夫一名共一十三名每名日飯食銀一分五
釐共銀一錢九分五釐每月該銀五兩八錢五
分僱募看守衙門人役二名每日工食銀共二
分看守青山書院門子一名每日工食二分厨

子二名每名日工食銀二分每月共銀二兩四錢更夫十名每名日工食銀一分共銀一錢每月該銀三兩倉夫一名每月工食銀六錢本司并二分司座船三隻船頭三名每名月工食銀六錢共銀一兩八錢以上紙劄供給飯食工僱等項共銀二十兩四錢每月大約通共銀六十六兩五錢近該本司同知伍典查得前項公費支用頗多將本司日用下程除革不用每月該革去銀一十三兩五錢外大約每月用銀四十七

兩看得水口乃閩省出入要路士夫經過公費
自不可已且每年幫數多寡難以定期其跟隨
吏書門皂等項工食與倉夫船頭厨子支更人
役催募等銀似應裁革但查吏書門子逐日封
鎖在內供役皂隸雖各自有工食原編建寧晉
江等處常年拖欠且亦內班人數與在省不同
倉夫船頭厨子更夫並無徭編銀兩難以減省
如府縣衙門自有里甲綱辦本司商人輪幫答
應亦與里甲事體相同合無於原數內量爲減

少吏書門子七名每名日給米肉魚菜銀二分
共銀一錢四分每月減銀一兩五分阜隸馬夫
一十三名每名日給米魚柴菜銀一分共銀一
錢三分每月減銀一兩九錢五分二項共減銀
三兩與本司革去下程通共減銀一十六兩五
錢看守書院門子船頭倉夫厨子支更把門人
役工食俱照舊僱募再照本司職專鹽政並不
准理民詞係干鹽法俱經呈詳院道批追餘鹽
價脚俱係類解赴部之數難以動支合無每幫

每商原議一百五十兩內除將銀六十四兩五錢七分一釐零類解總司前項公費銀裁革減省外每月合用士夫下程酒席該銀二十六兩五錢紙劄供給飯食工僱等項該銀一十七兩四錢議定每月商人只給銀四十四兩與牙行買辦查有羨餘卽作下月支應等緣由備呈本道蒙批此弊之源也非盡塞之後且濫溢據議該幫商人願於輪助猶夫縣之里甲分宜供應今里甲則盡革矣柰何獨用商人裁止損減銀

數又安知後來者之不復耶大非本道所望賢者作法之意仰再議妥當另詳繳又該本職覆查得分司凡士夫往來下程禮儀吏書門阜供給等項每月計該銀四十四兩內除銀一十五兩原係議奏於扣計牙稅內每月出辦無容再議更銀二十九兩本司並無別項堪以支用惟有水口黃崎二分司逐幫解到牙行曠役經紀銀兩原議存留本司類進表文及逐月公堂紙劄新官到任家火之數合無候詳允日於前

銀內每月動支二十九兩關發水口分司湊前
共銀四十四兩給與牙行查照原數支辦仍行
分司置立文簿一扇將日逐支用過銀數登記
明白月終關報本司算該月內用過銀若干如
有羨餘銀兩充作下月支用按季呈繳本道查
考永爲遵守則費用盡出於公家而割沒無詞
于商人矣備呈本道轉詳奉軍門塗批據議
公費盡出於公帑鹽商得免平常例則夾帶私
販諸弊可由此而肅清矣如議行司著爲定規

着實舉行仍刻榜曉諭繳及蒙巡按御史王
批據議公用有備而私歛無名可以杜弊源矣
依議行該司永遵爲定規此外如再有分毫科
索者該道查訪得實卽據法叅治此繳奉蒙備
案行司永爲遵守施行

一議處廩給以復舊規卷查奉布政使司劄付蒙
巡按御史徐批據本司經歷司議呈運司水
口任劄官員雖與委官有間然以離任前去比
之本衙門亦自不同若行委各衙門官尤難令

其自備俱應議處以垂永久合候詳允今後本
司并府佐委官供應仍照原議於本司庫貯牙
行曠後經紀銀內每日給銀一錢二分併入公
費項下按月關送分司支用其委官跟用仍許
帶門子一名皂隸二名每名月給飯米銀三錢
一併關送支給若係本司官住劄門皂工食已
在議處公用項下不許重冒庶供應有資而備
端永絕矣備由呈詳分巡福寧道按察司副使
柴 覆詳奉軍門塗 批依議行繳蒙巡按御

史王 批依議行繳依奉行司遵照施行

一議黃崎分司跟用人役蒙分巡福寧道副使柴
案驗查議得分司路僻事簡今後止許跟用農
民一名書手三名門子二名皂隸十名馬夫一
名立爲定規日用飯食遵照水口分司近議事
例吏書門子六名每名日給飯食銀二分月計
該銀三兩六錢皂隸馬夫十一名每名日給飯
食銀一分月計該銀三兩三錢年計該銀八十
二兩八錢聽該分司就于逐幫應解牙行曠役

經紀銀內按月支給自行供辦不許仍前索勒
商牙致滋奸弊仍刊刻板榜於該司門首永爲
示諭等緣由具呈巡按御史王 詳允備案行
司遵照施行

福建通志卷之十終

福建運司志卷之十一

刑恤志

漢法鬻鹽欽其左趾宋室增直置務通市肆我朝章越販必庀設律禁奸城旦胥靡志刑恤

律例

凡犯私鹽者杖一百徒三年有力納米三十五石每石折銀五錢共銀一十七兩五錢稍有力折銀一十兩八錢無力民籍發驛擺站鹽籍發場煎鹽俱解各該道掛號軍籍解總兵衙門定發墩臺哨



刑苑通言卷一
三百五

瞭以上俱照年限滿日釋放若有軍器者加一等杖一百流二千里誣指平民者加三等杖一百流三千里拒捕者斬鹽貨車船頭匹並入官引領牙人及窩藏寄頓者杖九十徒二年半有力納米三十石折銀一十五兩稍有力折銀九兩無力發配挑擔馱載者杖八十徒二年照前折納發配非應捕人告獲者就將所獲私鹽給付告人充賞有能自首者免罪一體給賞○若事發止理見獲人鹽當該官司不許展轉攀指違者以故入人罪論

凡鹽場竈下人等除正鹽外夾帶餘鹽出場及私煎貨賣者同私鹽法百夫長知情故縱及通同貨賣者與犯人同罪

凡婦人有犯私鹽若夫在家或子知情罪坐夫男其雖有夫而遠出或有子幼弱罪坐本婦

凡買食私鹽者杖一百因而貨賣者杖一百徒三年

凡守禦官司及鹽運司巡檢司巡獲私鹽卽發有司歸勘各衙門不許擅問若有司官吏通同脫放

刑部通志卷一百一十一
者與犯人同罪受財者計贓以枉法從重論

凡守禦官司及有司巡檢司設法差人於繫管地面并附場緊關去處常川巡禁私鹽若有透漏者關津把截官及所委巡鹽人員初犯笞四十再犯笞五十三犯杖六十並附過還職若知情故縱及容令軍兵隨同販賣者與犯人同罪受財者計贓以枉法從重論○其巡獲私鹽入已不解官者杖一百徒三年若裝誣平人者加三等

凡軍人有犯私鹽本管千百戶有失鈐束者百戶

初犯笞五十再犯杖六十三犯杖七十減半給俸
並附過還職若知情容縱及通同販賣者與犯人
同罪

凡起運官鹽每引二百斤爲一袋帶耗五斤經過
批驗所依數掣摯秤盤但有夾帶餘鹽者同私鹽
法○若客鹽越過批驗所不經掣摯關防者杖九
十押回盤驗

凡客商販賣官鹽不許鹽引相離違者同私鹽法
其賣鹽了畢十日之內不繳退引者笞四十○若

將舊引影射鹽貨者同私鹽法

凡起運官鹽并竈戶運鹽上倉私帶軍器及不用官船起運者同私鹽法

凡客商將官鹽插和沙土貨賣者杖八十凡將有引官鹽不拘於該行鹽地面發賣轉於別境犯界貨賣者杖一百知而買食者杖六十不知者不坐其鹽入官

例一各邊召商上納糧草若內外勢要官豪家人開立詭名占窩轉賣取利俱問發邊衛充軍干礙

勢豪叅究治罪

一豪強鹽徒聚衆至十人以上撐駕大船張掛旗號擅用兵仗響器拒敵官兵若殺人及傷三人以上者比照強盜已行得財律皆斬爲首者仍梟首示衆其雖拒敵不曾殺傷人爲首依律處斬爲從俱發邊衛充軍若止十人以下原無兵仗遇有追捕拒敵因而傷至二人以上者爲首依律處斬下手之人比照聚衆中途打奪罪人因而傷人律絞其不曾下手傷人者仍爲從論罪若貧難軍民將

私鹽肩擔背負易米度日不必禁捕

一越境興販官私引鹽至三千斤以上者問發附近衛所充軍原係腹裏衛所者發邊衛充軍其客商收買餘鹽買來掣摯至三千斤以上亦照前例發遣經過官司縱放及地方甲鄰里老知而不舉各治以罪巡捕官員乘機興販至三千斤以上亦照前例問發

一兩淮等處運司中鹽商人必須納過銀兩紙價方給引目守支若先年不會上納故捏守支年久

等項虛詞奏擾者問罪仍照各處鹽場無藉之徒把持詐害事例發遣

一偽造鹽引印信賄囑運司吏書人等將已故弁遠年商人名籍中鹽來歷填寫在引轉賣誑騙財物爲首者依律處斬其爲從弁經紀牙行店戶運司吏書一應知情人等俱計贓滿貫者不拘曾否支鹽出場俱發邊衛充軍

一各運司總催買囑官吏弁覆盤委官指倉指囤扶同作弊者俱問發邊衛充軍

刑部通言卷十一
一各處鹽場無藉之徒號稱長布衫趕船虎等項
名色把持官府詐害客商犯該徒罪以上及再犯
杖罪以下俱發邊衛充軍

監臨勢要中鹽

凡監臨官吏詭名及權勢之人中納錢糧請買鹽
引勘合侵奪民利者杖一百徒三年鹽貨入官

阻壞鹽法

凡客商中買鹽引勘合不親赴場支鹽中途增價
轉賣阻壞鹽法者買主賣主各杖八十牙保減一

律 等鹽貨價錢並入官其舖戶轉買拆賣者不用此

慎恤拘禁

先年題 准各場煎鹽竈戶若爲強盜人命重情

許令有司拏問其餘詞訟不許徑自勾擾拖欠稅糧止許催促上納不許監追有犯罪名須行運司約問使邊竈得以安生囚徒晒折則例附按察司議過各衙門今後問擬七場鹽籍竈丁務審所犯係干鹽法事情及委果家貧無力方可問發各場

煎辦鹽斤結課惠安等四場辦納課價發在牛田
等三場者照舊煎辦鹽斤上倉另頓起解運司鹽
商兌支發惠安等四場者計其徒限該三年者筭
該煎鹽三千五百一十斤則小引一十七引零一
百一十斤該納課價一兩七錢五分五釐若徒年
不等照前分數遞減與其該辦鹽斤每引一百斤
為則定擬納銀一錢保領營辦年終追解運司聽
候開中之日每引給商六分照舊買補餘銀四分
收領類解七場俱要年終備將囚徒起數姓名辦

納過鹽斤課價數目緣由各另造冊申報運司類
造繳 察院備查

福建通志卷之十一終

福建運司志卷之十二

名宦志

古儆其官日恪位署羔羊素絲以永終譽維彼役
役視爲傳遽如取如攜侯祝侯詛志名宦

仕蹟

宋楊克讓字慶孫馮翊人太平興國初以兩浙西
南路轉運使權知州事泉州民嘯聚爲盜衆十萬
餘克讓率屯兵與王明王文寶共討平之三山志
謂克讓以本路轉運使權知蓋是時錢氏初納土

福建猶屬兩浙西南路也

牛冕字君儀彭城人端拱初爲福建轉運使建議廢邵武軍歸化金坑土人稱便

馬亮字叔明合肥人淳化間諸路轉運司置糾察刑獄官以福建路命亮覆訊寃獄全活者數十人遷知福建蘓易簡薦亮才任繁劇召還後以太子少保致仕呂夷簡少時從其父蒙亨爲縣吏至福州亮見而奇之妻以女世以亮爲知人

羅拯字道濟祥符人提點福建刑獄泉州興化軍

水壞廬舍拯請勿征海運竹木經一年民居皆復其舊遷轉運使邵武之光澤不權酒以課賦民號黃鞫錢拯均之他三邑人稱其平

陳世卿字光遠南劍人景德初知建州真宗知其才幹踰月授福建轉運使規畫南建州安仁等銀場歲增課羨詔獎之

章頰字簡之浦城人天聖中知州事王氏時官田歲但輸租至是轉運使方仲荀謂鬻之可得緡錢二十餘萬頰上言錢數浩大督輸嚴峻佃戶貧乏

無可輸價乞准蠲除則二萬餘戶庶獲存濟詔從
頗議

趙湘字巨源華州人景祐間爲福建路轉運使史
稱其廉問疾苦按不稱職者黜之

龐籍字淳之武城人景祐中爲殿中侍御史數覈
范諷罪諷貶籍降知臨江軍尋徙福建轉運使長
於吏事治民有惠愛及爲相聲望稍減

蔡襄字君謨仙遊人天聖進士慶曆中由右正言
直史館乞便養親出知州事始復古之五塘又奏

減五代時州民丁口稅之半陞本路轉運使尋以
父喪去嘉祐初以樞密直學士禮部郎中再知州
事疏通附郭河浦以溉民田首延周希孟以經學
授諸生親臨勸講處士陳烈陳襄鄭穆以德行稱
皆折節下之作五戒以教民若浮屠巫覡蓄蠱之
害一切禁止閩俗丕變州民鑄石以紀其政卒贈
吏部侍郎加贈少師謚忠惠

范師道字貫之長州人嘉祐六年爲兵部員外郎
兼御史與諫官御史數奏樞密副使陳升之不當

福建通志卷之二十一
用升之罷師道亦出知福州頃之入爲三司鹽鐵
運使師道厲風操前後在言責俱有聞

盧革字仲辛德清人神宗時爲福建轉運使請外
神宗謂宰相曰革蕪退宜與嘉郡遂與宣州

蔣之奇字穎叔宜興人爲福建轉運判官時新法
行諸道免役推行失平之奇約就庸費隨笑錢高
下均取之民以爲便之奇爲部使者及典會府俱
以治辦稱且孜孜以人物爲已任在閩嘗薦處士
陳烈每行部必造焉

朱宗字成德仙遊人紹興初建安盜起制置使誅捕無功除宗福建轉運使趣入對宗曰愚民窮困無告矣陛下兵將吏養寇弗除誅歛益急將盡驅齊民爲盜乞追還制置使專付臣綏集之復移書責制置使辛企宗不當復募兵誅責糧餉卒如其策盜悉平

祖秀實浦城人紹興中爲福建轉運使一切革去弊政而賊入率先諸路

趙令諤字君序宋宗室也紹興中由未豐丞累遷

福建通志卷十一
福建運判兼提典刑獄公事令諷蒞事明敏有風
采在朝多所建白

張致遠字子猷沙縣人紹興初建寇范汝爲初降
猶懷反側招安官謝嚮陸棠受賂賂陰與之通致
遠謁告歸知其情還白執政捕棠等付獄詔孟庚
韓世忠討之辟致遠爲隨軍機宜文字賊平除兩
浙轉運判官遷侍御史請罷權福建鹽累遷顯謨
閣侍制知台州以海寇鄭廣未平改知福州廣等
降致遠選留四百人置營城外復遣廣討他郡寇

數月悉平

陳良翰字邦彥臨海人隆興中知建寧府乾道初徙福建轉運副使良翰在臺府時歷詆奸倖直言無隱

鄭興裔字光錫開封人乾道間爲福建路兵馬鈐轄郡縣積玩檢驗法廢興裔劾爲格目分畀屬縣吏不得行其姦因著爲令建劍汀邵鹽筴屢更漕臣請易綱運爲鈔法興裔極言其不可海寇倏去忽來調兵常無及興裔請置灣長寇至輒率民禦

之

興裔舊志
作興宗

陳俊卿字應求莆田人乾道間以觀文殿大學士
知福州兼安撫使轉運判官陳峴建議改行鈔鹽
法俊卿移書宰執極言福建鹽法與淮浙異遂不
果行明年請祠歸淳熙初再知州事民習其政不
勞而治

謝師稷字務本邵武人淳熙中爲福建提刑建延
汀邵四府苦敷鹽之弊師稷力禁除之又奏免鐵
葉錢秩滿復知漕事郡有歲輸軍儲斛面已免徵

時守以經費不足將復之師稷又請於朝俾歲增運鹽二綱以助用不得加賦

林枏福唐尉攢九世孫也淳熙中除直秘閣福建路轉運判官申谿汀州無額經總制錢減放寧化泰寧兩縣苗米論漳州子斗司收諸絕產爲谿除諸縣稅色

薛叔似字象先其先河東人後徙永嘉光宗時爲福建轉運判官後又以端明殿學士謫福州叔似雅慕朱熹窮道德性命之旨談天文地理鐘律象

數之學

蔡幼學字行之瑞安人嘉定間知福州進福建路
安撫使州例抑民買鹽以戶產高下均賣者曰產
鹽以交易契紙錢科敷者曰浮鹽皆出常賦外幼
學力請蠲之不報提舉司令民以田高下藏新會
子不如令者籍其貲幼學曰罔民而可爲吾忍之
乎惟有去而已因言錢弊未均秤提無術力求罷
去

謝公旦字清父一字景周崇仁人嘉定進士官福

建運判覈鹽課民甚便之尋改直章閣仍兼本官
有故人獻燭百炬燭心隱隱皆黃金亟封還而不
顯其事卒于官

洪天錫字君疇晉江人寶慶中知古田縣民多健
訟剖決無留有怙王邸勢殺人者卽按誅之通判
建寧府陞秘閣脩撰福建轉運副使度宗卽位改
福建安撫使先是亭戶買鹽至破家墮身天錫首
罷之禁民作佛事罷荔枝貢累官加端明殿學士
卒謚文毅天錫言動有準繩居官清介臨事是非

不可撓文信公稱其有孤忠大節云

王居安字資道黃巖人寶慶間知州事尋提舉崇福宮將行鹽寇起寧化居安以書諭汀守曰土瘠民貧業於鹽可盡禁耶且彼執三首惡以自贖他可勿治部使者遣左翼將軍鄧起提兵往起貪夜冒險與寇角以死軍遂潰事聞命居安專任招捕居安既留召軍校劉華丘銳者授以計畫至汀而賊已至郡矣賊知帥有撫納意卽引退華銳出入賊中指期約降有以右班攝汀者倔強好大言以

知兵自任欲出不意爲已功賊知其謀敗降約而
建劍諸郡并江西嘯聚蜂起居安議不合拜疏而
歸

趙崇候字信之南豐人紹定四年進士爲福建運
司主管文字時崇候素以清介名臺有疑訟崇候
行道中得其情謁部使者言民寃狀三進三否卒
從吏議崇候大恨未幾檄權南劍郡事遂棄官歸
袁甫字廣微鄞縣人端平初知建寧府尋兼福建
轉運判官閩鹽隸漕司例運兩綱供費後增至十

有二吏卒並緣爲奸且柳州縣變賣公私苦之甫
奏復舊例丁米錢又爲泉漳興化民患會知漳州
時趙以夫請以廢寺租爲民代輸甫并捐三郡歲
解本司錢二萬七千貫助之

方大宗嘉熙末爲福建轉運判官時歲荒閩人艱
食首發常平賑糶自鄉郡始上四州委寓士蔡抗
措置糶事改創富沙廟學撤去建安魁星祠決滯
訟禮高年關防鄉郡撓政未嘗以公帑遺故舊

高斯得字不妄浦江人寶祐中爲福建計度轉運

副使時朝廷行自實田斯得言按史記秦始皇三十一年令民自實田主上臨御適三十一年異日書之史冊自實之名正與秦同丞相謝方叔大媿卽爲之罷後以顯文閣待制知建寧府官至叅知政事以論賈似道誤國留夢炎乘間罷之

湯漢字伯紀安仁人寶祐間提舉福建常平又判福建轉運及兩知福州歷官介潔有守恬於進取江萬里字子遠鄱陽人景定初知建寧府兼權福建轉運使明年移知福州兼安撫度宗卽位累遷

叅知政事咸淳十九年元兵渡江萬里預鑿池後
浦扁亭曰止水至是竟赴水死

余祖奭主管福建轉運司文字時建卒葉儂叛逼
漕臺官吏竄匿祖奭挺身諭賊曉以逆順賊感其
誠遂退

趙彥櫛字文長宋宗室也累官福建路運幹屬邑
負振鹽本錢數千萬累歲不能償彥櫛白其長蠲
之

陸祐字亦顏候官人爲福建茶鹽司幹辦公事其

於茶法盡心講究泉南當海舶運輸之衝部使者欲復市易祐曰此漁奪之術也言之切至乃止

國朝嚴貞字宗正奉化人景泰間以進士初任兩淮運使調福建勒恤民隱時民苦於綱運貞議假招募之舟代之民困始蘇

朱穩字伯承婺源人徽國文公十世孫天順丁丑進士歷南京戶部郎中陞轉運使以廉幹著稱改兩浙復除福建卒于官

金迪成化間爲福建轉運使蒞政清廉待商人有

恩至貪橫不少假貸嚴禁私販估人悅之

吳泰江浦人成化間以御史出爲福建運使政尚
威嚴風裁凜凜吏書不敢犯陞叅政去

高輔歷城人弘治初以太平守謫福建運司同知
尋擢轉運使出納平允人不敢干以私一時鹽商
皆服其公

黃衷字子和南海人正德中以進士任福建轉運
使時司事簡畧制度未詳乃爲之規畫百廢俱舉
又建石庫以謹藏貯至今賴焉累官工部侍郎

嚴時泰餘姚人正德中以進士任轉運同知廉謹
自守累官工部侍郎

歐陽恂字忱之安福人嘉靖初以進士任轉運使
覈故實稽輿謀一循先任黃衷畫一之法多所興
革便商裕國時權璫肆橫尤抗直不少詘商人受
其惠然竟以守常德時忤觀風使者意被劾而去
去之日商人攀留不得爲祠以祀

黃宗明鄞縣人正德中以進士任轉運使持政不
阿遂於文學爲時所重與議舉大禮多所詳明歷

福建通志 卷十一
陸禮部侍郎

婁志德字存仁項城人嘉靖初以進士任福建轉運使以廉謹稱先是商人領引下場船無定式引無定數夾帶弊滋難以稽覈志德定溪船廣狹之式約裝子母鹽五百餘引海船三倍之置鐵線以爲掣摯又建議設黃崎分司東路官鹽始通商人稱便擢浙江叅政祀遺愛祠後累官副都御史王鈞奉化人嘉靖中以進士爲邵武知府陞福建轉運使綽有廉聲累官南京工部尚書致仕

陶珪黃岡人嘉靖中以進士爲桂林知府陞福建
轉運使性度寬洪商人宜之擢廣西按察使商人
祀于遺愛祠

姜恩廣安州人嘉靖中以進士任轉運使以廉謹
著加意增課通商之法先是官鹽積滯私販縱橫
至乘機標掠爲患恩議開南港報商行鹽私販者
息至今遵之累陞福建左布政使商人立碑祀遺
愛祠稱婁姜二公云

林烈字孔承東莞人嘉靖間爲福建轉運同知分

司水口立社學置射圃選里中子弟教之筦權鹽
政清操自持卒于官商人立祠祀焉烈子培萬曆
中以御史謫本司知事清慎有父風

何思贊字紹襄順德人隆慶初爲福建轉運使初
以下車禁常例祛宿蠹廉潔自持商人供應悉卻
不受衙齋泊如也思贊性質直恥事脂膏政不近
名而人亦弗知也滿三載辭官歸

周浩字毅夫錢塘人隆慶中爲福建轉運使一塵
不染商有常例歲計可千餘緡輒進而輒卻之曰

爾無逋課足矣綽有清名時高其操

蔡文範字伯華新昌人萬曆初以刑部主事忤當
路謫福建運司判官庶靜耿介僚屬雅重之公餘
結社嘯咏自若後擢兵部主事乙酉奉使典闈試
稱得士

鍾昌字繼文東莞人萬曆中爲福建轉運使昌爲
人間樸恬靜澁司故多事昌治之裕如也公暇臨
池賦詩其視美金贖鍰若將浼焉至於疏鹽法祛
鹽蠹雖貴勢不爲奪及叅知滇南卒于官非賻贈

幾不能殫大抵古心古貌苦節獨行之士也

鄭邦福字洪疇一字羽夫上饒人隆慶辛未進士
萬曆中爲福建屯鹽副使邦福貌肅而容莊吏卒
畏憚之理屯田重繩豪右之竄奪者於鹽政則嚴
私販其有憑勢攬越一以三尺從事邦福負詩名
所著有采真游諸篇多致語

屠本峻字田叔鄞縣人萬曆間爲福建轉運同知
運司利數也商例餽長官金一切謝絕商懷其德
立祠水口祀之本峻矚于文公暇常結社談詩爲


時所重後擢辰州太守

傳國才字汝濟山陰人萬曆間爲轉運同知清靜
簡約其守甚介有越於法者雖巨賈要津未嘗肯
貸尋有奸商負課令青衿子弟求寬其逋國才曰
吾所治者商耳其人遂率群青衿闕而詬之後黜
其首事者并治商如律國才遂棄印綬去志潔行
廉時益鮮有儷之者

陳治本字伯立山陰人萬曆壬辰進士由南禮部
郎出爲閩僉憲分署興泉簡約廉介人不敢干以

私尋轉少叅無理屯鹽道釐剔弊蠹積奸斂手卽
有崇牘貴津憑藉扞禁者悉究治如律不少縱也
商人畏而懷之未幾以母病自解組歸所積贖鏹
至數千金悉寘之官一無所取行李蕭然董董圖
書數卷

論曰昔漢元狩時有司言縣官用度大空而富商
大賈煮鹽累鉅萬不佐國家之急於是領以東郭
咸陽孔僅桑弘羊握筭持籌利事之秋毫折焉司
馬遷不與桑孔作傳乃於張湯傳見之蓋以法嚴



令具興利之臣自此始耳後世薦紳學士嚶嚶道
古羞稱桑孔然桑孔牟利以計國也今之桑孔國
云乎哉余稽往牒由宋迄

明考其體國惠商者得若而人爲次第列之要皆
皦然不滓古之賢人也跡其所由殆與桑孔異矣

福建運司志卷之十二終

有禁者悉究治如律不少難

御然公少以質人也極
抑其其歸國舊商春香
太平時余蘇於熱田宋
古臺漸乘亦然蔡其年
命具興條之百自出讓



(B)
083
0079
v.57-64
[no.4]
0528917

(B)
083
0079
v.57-64
[no.4]